



翰海卷之四

雲間陳繼儒者公鑒定

交際部

邀顧

與平原君

寡人聞君之高義願與為布衣之交君幸過寡人寡人願與為十日之飲

與墨鸞

門人沈佳胤錫侯輯



昭王

陶弘景

六陳花木端襟歛思許聆警錫也

謝安

生如寄耳頃風流得意之事殆為都盡終日戚戚
觸事惘惘惟遲君來以晤言消之一日當千載耳

與俞仲蔚

王元美

淄青大都會也襟帶海嶽多古賢士大夫之迹足下
能杖策而來乎郡厨雖索然脫粟之飯可以佐游足
下魚自苦人生百年里中也正復何益

與張孟雨

王世懋

弟署寂寥苔痕盈尺屈足下珠履破之

與王弇州

王百穀

前途何時入郡幸一過臨綠葵紫葍山中不乏請為
漫者供

與宗用晦

王元美

小祇園水竹日益成趣所增置丘島樓觀臺榭水木
芙蓉之屬似非渡人間境亦欲得奇士見枉不為辱
耳

丹陽

陳看公

救郡善台從過謁幸先期以報移舟古松

片時圖畫中人何如

與張不偏

王世茂

何時問渡江臯僕已較陽侯足舍待張先生破浪而
來印我苔蘚

與互長孺

袁中郎

近日游興發否茂苑主人雖無錢可贈客子然尚有
酒可醉茶可飲太湖一勺水可游洞庭一塊石可登
不大落莫也如何如何

東劉振之

程敏政

聞欲挹紫陽之秀斲鍊溪之清吟屐果來當拏小舟
下桐江泊釣臺以俟

斲音居酌也鍊溪新安水名練帶

寄劉覺哉

譚世講

足下幸過我海澄雖一拳地猶能貯斗酒醉君丹霞
嶼中

丹霞嶼在漳州府東南

與友

俞紹

頃入山課長鬚翠春雲亦學老農意耳石田雨足草
榻雲深真可傲殺王侯足下何時過我共作山窓佳
話

與王學憲

王百穀

僕塊然斗室不敢借東壁之餘然何日忘門下恩一
造見不可得敢削牘請鷄鵠矯翼胡能因羊角一集
魯東門哉僕則幸甚未敢以鐘鼓為享也

與陶石簣

袁中郎

弟望山人來如渴已為山人置一浮宅朝夕聚談可
得十日間大是佳事

與俞仲蔚

王鳳洲

鄉居極幽寂春來卉草種種又多海魚新菜差足奉

也足下興小佳便後蓋輿昇來一醉花下

與陳給事廉野

王百穀

望銀漢客星乃與天孫俱渡去吳門不三舍近當就
君平肆下支撥石有無耳門下幸一過臨王生魚為
擁傳疾驅令王生咏明河可望不可親也

宋文文山邀董提舉啓萬里風雲之天濶一襟草
木之味同祝融山外之芙蓉蕭迎紫氣太華峰頭
之冰雪伴沐清風

東項秀父

方

紀

茅屋去麻姑不遠僕鋤月叢雲仰看翠微言念良友
恨然謫雲弟弟号山崔巍望佳人号殊未來不知何
日鳳羽拂西江令山農再聆九韶也

与王元禎

居節

春明千人石上苔蘇欲流高踪來破之人世幾何奈
何長別

与沈茂才

王元美

來教有垂訪意春時倘遂鼓柁為十日飲僕久奪賢
弟氏高陽印章當解以佩足下

与王衷白

袁伯脩

明年春抄兄幸早發弟煮雨前茶於小竹林候兄

与屠長卿

王百穀

秋以為期出金閭東瞻紫氣遮留從者入山居白雲
紅樹堪以奉享

与陳伯子

吳斗岳

新夏草木扶疎櫻子初熟先生高卧握黃庭調白鶴
咏陶柴桑詩較讐山川方物真是葛天以上不佞綠
薄竟不若林鳥時時啄金池得挹仙風倘先生入城

衝幸過小齋焚香竹下
一了意夢毋令蕙帳空
兮宦怨也

与王胤昌太史

王余州

里人金生歸楫与公比鄰得數奉教云公且用使事於春仲渡江日而過我審爾則雲窩蒼苔丹心破長者輒笑

与友

孔願之

未得乘月萬橈訪足下武陵溪上恐桃花流水相与天人足下來我齋頭停危聽月箕踞放歌白雲擁琴

清耀語榻此情千古

与張不偏

馬孟禎

吾相雖僻授子渡頭頗堪眺覽足下有意乎當拂小徑候高軒作平原十日飲

与項明父

王元策

落帽屆期莫可插英可餐秦峯片碣可掃遲之遲之

寄友

袁中郎

聞兄多病想碌碌不得安身來此齋中一洗滌何如巴不來香名煖利且受此雲態風光

与張不偏

虞青霞

經年不得仁兄把臂夢境顛倒每聞馬首欲南白門
松竹喜有主人奈何雲閣尚捨怨猿鶴怨耶柳銷金
帳底滋味濃也遲之遲之

与項明父

王元策

九日之約幸驅車早臨得乘興揮灑把酒向秋風高
咏頓使聲振林木浮雲不流豈不大快

与牛叅戎

王百穀

再願當在何日請出一斛麴生令將軍耳熱無然不

謝顧

与文之秀才

蘇東坡

海州窮獨見人即喜况君佳士

与潘子欽

宗子相

湖上幽棲辱乏下孤槎問渡把卮酒而樂之白雪放
歌青燈作賦雲濈鼓角霜落葦葭奇語一出夜色難
收矣

復陳黃門

王百穀

流泉滿衣流波滿車主人沐如浴者浴如而過臨僕

僕何以堪此

与友

王百教

枉車聲於敝止得挹芝顏那驚明月

与應巽山

陳雲浦

鄂渚寒宵酒卮若挽良晤真出意外

報趙山人

宗子相

公老矣猶能時時過我溪上採蓮賦詩歲暮別公公
不忍去我又冒雪而馳淮淮波蕩蕩比之公情淺小
矣

与陸長康

宗子相

溪上結廬頻辱進眼對落花之繡紵坐明月以嘆息

[Faint bleed-through text from the reverse side of the page]

誚不顧

与李叔玄

王百穀

濁醪晶飯將淹後者為竟日談乃不肯併驚而去則
僕徒有天際真人想耳

与王弇州

王百穀

門下入金閭可當一度河清比齊艦之東也猶西瞻
紫氣謂王先生臨我哉後始知返棹矣私心望之門
下誠長者亦效武安無意觀其乎

与吳白如

丁心淵

手教至約為平原之飲掃松院一榻以俟車音寂然
竟忘虞人諾乎遣力敬問

与高旭玄

湯若士

六年不見高卿聞欲過我殊慰而久待不至豈訪戴
者偶興邪吳越道中春夏間可作履人行時亦憶汝
水釣人乎

与蔡元岡

莊起元

台丈紫氣久騰於玄壑去秋錦旋幸依光日月今春
不獲慰雲霓豈謂行李之往來不能作東道主冉冉

是竟從空中飛上九重也悵可知已

与王百穀

歐大任

聞足下且北上豫勅家人釀黍將遮留一醉道左乃
聞纓曼胡佩荆侯擁吳姬竟趨燕矣驚詫累日足下
不知廣陵有歐生耶謂竹西歌吹不如薊北風雲耶
然擊筑舊侶可念也佳篇願寄我當耳熟時身聲謳
之必能飛燕城之雲滌曲江之濤以報足下

与安緒卿

王百穀

望足下過臨月再生愧矣竟之山陰夜興耶

答劉儲秀

王夢澤

聞旌節暫駐江干異
返棹必得板留野人
理釣臨江磨力向鮮
晨起飭內治具玉趨
在瞻松桂含色而執
事又以間道直趨會
城雲雨虛無延佇徒
切使我林壑無光罌
壘見強世路莽蕩再
覲何日

渡李天瀛

錢文薦

間者望氣東南有美
不意青牛到關口而
不紆車作信宿留豈
宜城九醞便能軟行
轍耶令難俗何至作
華陰面孔

報晤

与朱元章

蘇長公

某兩日病不能動口亦不欲言
但因卧耳今日當還往通濟亭
泊雖不當遠去左右且就快風
活水一洗病滯稍健當奉談笑也

与湯伯潤

湯霍林

九日偕三哥^哥還一詣故人足下
請占楮衡間有紫氣揚揚則吾
兩人來也

寄王鳳洲

門下厭棄五濁逍遙乎東海之濱但令時人瞻白雲
耳寒潮如線欲操舴艋一叩精廬恐門下映竹而窺
非韻士也不令見顏色則僕興索然同山陰雪矣

与梅客生

徐文長

肉質蠢重衰老承之不敷赤而揮汗成漿須臾掉却
塵沙便作未開光明泥菩薩矣再失迎候道駕並只
在鄉里故人咫尺之間搖扇問話而已非能遠出也
稍涼敬當趨教並罄敬言

与友

王百穀

秋暑侵人未堪襤襪稍涼圖一嘉晤當及松際清光

与張肖父司馬

王鳳洲

青雀北上泊昏江於煙波杳靄中有戴笠荷瓢冒交
戟者必王生也嘗更破米汁戒作竟夕酬耳

与項朋父

胡汝淳

明秋八月擬問棹西冷此日或能訪戴草勒揮汗不
悉不霞

与湯陽陸

袁石公

身以病得休掛帆歸矣每聞西湖之勝欲杖藜一來
湖水可以當藥青山可以健脾逍遙林谷款枕巖壑
便不知省多少參苓九子矣但不識閤門令尹能辨
青牛氣色否

与聶侍御

鄧維楨

將訪王人於因亭間詩篇交映爐椀平分共樂融融
也何待雪後放舟效山陰景老子爭

答沈飛霞

王百穀

將以月哉生現出游過春申山留一日即行過下能

造汝師齊頤當促膝夜談咏敬云淡河漢耳

与石門僧

許雲村

養拙山中眠食粗遺頃為國事抱漆室之憂上人慈
悲當亦為衆生煩惱耶遲一兩日後載月徑造東林
也

寄蘇雪浦

袁小修

仁兄歸來即擬走小龍湖領教但繡斧新歸自有一
番應酬候小定便當鼓一掉此中積懷萬斛恨不得
即傾倒也至於滹暑實所不畏得聆知己之談說甚

龍皮扇子

與陳太疑

虞邦譽

且携玉川數片假君家樵青破我孤悶况其掃竹口
待母作酸措大逐客也

玉川數片茶也張忠和退隱上賜奴婢各一如
口漢童使收綸理釣婢曰樵青使竹裡前茶

與張孝廉

姚世華

昨夕踽步山阿竟成張結並浮竹葉消之恨不聞足
下履履聲增此寂寂明當走一騎握之下襟裾

東范叔子

吳斗岳

足下講業巖山松陰擁着泉流響玉即酷暑亦生涼
山靈不逐客當渡湖陸山樹掃石跌坐相與撥浮丘
訪玉成天風冉冉白雲中下也

與呂明府

王百教

秋溪南邁當過公樵鬮半日一一題破蒼苔而後去
不然請投其轄

與葛雲岳

陶若簣

明春將春秋履奠山云溪月無拒於方之外

報南陽方元順

文翔鳳

客春欲西首庶向故鄉山中少院塵濁欲假道南陽
將太和自商於入長安或得一握手耶

與孫齊之

王半倡

當扶屨人歌君樓中令虞山之雲過而不去願怨天
寒日暮無如翠袖薄何耳

叙失昭

與孟少傅

孤觀

側聞齊艦次里門所奠一望履約而高牙大纛刺史
縣令負弩前驅不敢以新服見區區此心必蒙賞答

候鄒南奉

汪南溪

鐘山紫氣回首千重恨來能謁壺階乃中懷明德固
與江漢俱深矣

與唐一菴

吳惟微

樊籠之翼乍返林皋望城郭煙火亦倚徒不敢近故

此心一日三到門下竟未能跨馬出梅溪徒耿耿耳

与何吾鄉

王煇

滿頭日 回來似孟襄陽灞橋驢背曾帶一枝春到
否即欲 候泥塗阻之俟稍爽即圖就教

与項孝廉

陳省公

賁字耕研以字殘日深山病道士祇堪与枯崖斷壁
作觀顧心未灰者是中賢長者如兄耳季雅聞士舌
類皆蓮花今与吾丈聯席觀僕喜從虎皮之未顧
春未雪霰侵襲繭足不出戶未得望顏色飽燦花之

論奈何

寄孫子齋

錢文薦

問者行旌北指出我救治不意弟有鄆城之行青牛
已度關而袍關主人無由一晤顏色徒想紫氣於流
沙外不亦無緣甚耶

寄莫廷韓

屠赤水

客春過雲間即往叩汾亭乃是下業之新安矣徒從
海上携得一片碧霞歸祇今猶淋漓瀉瀉羅裙也

与李本達

李石公

連日奔波百倍牛馬思仁兄此時与女安先生婆婆
綠葉陰下不啻仙矣腰肢作痛無緣得對二先生談
鋒奈何

与陳用明

許雲村

被葛登舟薄午北風頓厲便蕭然挾纒縱帆飽風而
南矣造物限人非刻客例公也

訝無翰

与顧益卿觀察

王百毅

薊北亦在人間遂無飛鳴邪奈何適忘王生宣後有
一峰回雁乎足下故非公孫子陽軍書雖勸午豈無
記室如陳琳輩此其故不可知

寄吳友白

錢鵬虞

江外匪弱衡山匪高竟無一音來蓬齋果設豫章魚
賴羞作置書郵將刻溪叟化為烏有先生也

与友

王百毅

齋

不咏休閒遂久鶴音鳳吹安得天風吹下乎

与楊伯翼

屠赤水

僕三致薄蹄之下缺然不答如和雲中君冥冥空墮
煙霧之下雙眼空天下不豈敢望馬第生平艷之下
才得片語使如奉日南珠以是不無少芥蒂然之下
洵才賢有如竹素上古人僕又何望望之下之念良
已矣

寄吳章坤

王百穀

足下一去遂成黃鶴明州客姓來如織乃無一難相

遺足下大耳兒哉

与友

王百穀

頃將猶子入金陵留二十日三宿阿蘭若五醉桃葉
舊姬家畏頭上進賢如猛虎在山公以為有頭陀行
身無也衡陽在上武昌在下一羽一鱗公也無斬

与魏軫野

王廷陳

聚首不覺樂離折瓦久則覺愴愴而足下曾不一字
及相忘耶

謝翰

遺張絃

孔文舉

前承手筆多篆書每舉篇見字欣然獨笑如渡觀其人也

与曹昭伯

應璩

空城寥廓所聞者悲風所見者烏雀指書及遠若得雲墜

与元九

白樂天

覽之下書開卷得意忽如面會心所蓄者便欲快言

迢迢自疑不知相去萬里也

渡柳子厚

劉禹錫

零陵守函致之下書申申疊疊甚悉相思之苦懷膠
結鬚聚至是泮然以銷所不如晤言者無幾

答舒堯義

蘇子瞻

午睡昏昏使者及門授教及詩振衣起觀頓爾醒快
若清風之來

答程全父

蘇子瞻

列度喻年海外寓獨人事斷絕莫由通問船到忽在

教青喜慰不可言

与凌稚哲

秦鳳樓

梅雨兼旬枯坐小堂寐如老納涓人忽報華函至空
谷聞音強然喜矣

与彭且陽

汪南溟

緬想故人宛其如昨雲翰飛墜若挹半神何日坐我
水晶宮沃聞高論

答李中麓

楊用脩

得佳詞喜慰無極去天萬里坐磨煙瘴而年宜各足

音不可得况大君子之好音下墜耶

答項明父

陳翁公

新暑灼人賴青萍之未少院之得手教又清涼臺雲

飛矣

風起于青萍之末

仲
答沈箕神

王元美

念与公執手祇園時可一紀所鳥樹樓榭差位曩昔
而公之文價突兀与易京之臺爭雄獨儼容衰於鄭
當時面皴於波斯還不免為山色所笑日者公按節
茂苑溪欲駛一公相訊恐懷溪山道人例踈躡米果

餽

射麋獻晉

潘堂

子有軍事獸人魚乃不給于鮮敢獻子從者

王弼州曰此行人口辭揚用修以共類牆語故收之

上姊后

趙合德

天地交暢貴人姊及此合吉光登正位為先人休不
堪喜豫謹奏二十六物以賀金屑組文茵一鋪沉水
香蓮心婉一面五色同心尖結一盃盃鴛鴦萬金錦一
疋琉璃屏風一張枕前不多珠一枚舍香綠毛狸席

一鋪通香虎皮檀象一座配香握象二首獨搖寶蓮
一鋪七出菱花鏡一盞精金瓠環四指若亡絳綃單
衣一襲香文羅半藉三幅七回光雄胎髮澤一盞紫
金被褥香爐三枚文犀辟毒箸二雙碧玉膏盞一盞
使侍兒部語瓊拜上后報以雲錦五色帳沉水香
王壺

與馬伏波

杜林

將軍內施九族外有賓客望恩者多林父子食福祿
常出有餘今奉錢五萬
報專
秦嘉

寶釵

釵

車還空返甚年所望兼叙遠懷恨恨之情頗有悵然
問得此鏡既明且好形觀文彩世所罕有意甚愛之
故以相與并寶釵一雙好香四種素琴一張常所自
彈明鏡可以鑑形寶釵可以耀首芳香可以馥身素
琴可以娛耳

與大高文惠

文惠妻

今奉織成襪一量願着之勤與福并

與諸葛恢

明帝

今送屏風小物耳然足情發於中而寄於物

与山涛

文帝

足下在事清明雅樸適時念多所乏今致錢二十萬
教二萬斛

送橘帖

王逸少

送橘三百枚霜未降不可多得

送梨帖

王逸少

今送梨三百顆晚雪殊不能佳言叙卒何期但有長
嘆

答張生

王弼州節

崔氏

王環一枚是兒嬰年所弄寄充君子下體之佩玉取
其堅潔不移環取其終始不絕兼亂絲一約文竹茶
碾子一枚此數物不足見珍意者欲君早如玉之貞
救志如環不解淚痕在竹愁緒紫絲固物達誠永以
為好耳出憤所鍾千里神合春風多厲強飯為佳

与孟亭之

蘇子瞻

今日齋素食麥飯芋脯有餘味意謂不減芻豢舍非
吾亨之莫識此味故餉一合并建茗兩片食已可與
道媪對啜也

与賈耘老

蘇子瞻

今日舟中無他事，十指如懸，樵適有人致嘉酒，遂獨飲一杯，醺然狂醉。念賈處士貧甚，無以慰其意，乃為作怪石古木一紙，每遇餓時，輒以開看，還能飽人。若吳興有好事者，能為君月致來三石酒，二斛終君之世者，便以贈之，不爾可令雙荷葉收掌，須添下長以付之也。

与鞠持正

蘇子瞻

兩日薄有秋氣，想起居住滕州人蒲永昇臨孫知微。

水園四面頗為雄爽，杜子美所謂白波吹素壁者，願挂公齋中，真可以一洗煩暑也。

与王立之

黃魯直

筆十五墨一，皆自用佳物，以公留意翰墨，故以相奉。

与楊應寧

李西涯

花帶一條，得之謝先生者，轉以相奉，願附於呂處佩刀之義物，不足論其人，故可重也。

寄任五安

詹景陽

臥盟礪處，悠然興至，起作高松瀑布，今以奉足下足。

下縣置高齋酷暑中能生涼否

与郡侯

錢福

日來山莊課魚放效獺祭報本之教考本草綴能澤
膚殺蠱蠃能疏滯清膈且於仁人君子惠下驅毒決
壅理弊之德有類馬^馬擇而獻之

寄瞿汝立

王鳳洲

聞已束裝將西首矣白葛黃紵充衣鉢費

与項東鰲

陳省公

明公行矣方擬操舟楫浚諸父老送郊外適養病山

中敬具宋人馬遠水一幅蘭花布二端以存行塵^水
者頌明公三年如永布雖綦縞山蟲華袞豈忘布衣
之交哉秋雲縹緲望望瞻依

東程仲木

程東濱

足下草玄齋閣鄉人溯風久矣不能載酒問奇敬貯
楊家果一籃進足當齒牙餘論吾邪

送茗帖

陳益祥

送去細茗乃懷月山物也足下烹啜便知山家涼苦
清味

東張君論

朱長春

聊具數品勸如餐田野中
小小盤盞耳愧非侯鯖豈
堪下箸

与吳詹簿

王鳳洲

九畹道人与玉版師皆陽羨山中高品屈作弁園供
辱矣輒以東海三醉曾相報尤辱也或公柏浮酒舩
時更以為佳耳腕瘡草草極不恭亮之

東荆鄉

劉汝佳

山茗韻頌天池胸中文字五千卷當不須六椀後顧

足滿大方一嚼耶因知足下胡盧耳

盧仝茶歌牋門反關無俗客紗帽籠頭自煎喫碧
雲引風吹不斷白花蕊光浮椀面一椀喉吻潤二
椀破孤悶三椀搜枯腸惟有文字五千卷四椀發
輕汗平生不平事盡向毛孔散五椀肌膚清六椀
通僊靈七椀喫不得也惟覺兩腋習習清風生

寄茶

林太華

劣窮芽數片乃清明前兩日採者新桂蘊蘭玉鑑烹
出味逾紅霞色奪青瑤

黃山谷煎茶賦有句云洵泊乎如澗松之發清吹
皓皓乎如春空之行白雲顧逋翁茶賦有句云輕
煙細珠靄然浮爽氣淡煙風雨秋

寄蘇雲甫

表小備

適從村中歸特致數種山青水綠人事萬惟此存

與項彥文

范如梓

酒數執蕪致舟中浮白遙望長安在春雲繡樹間非

小范子顏色乎

魏香

林庸

蘇林

博山爐沉水亭亭一縷輕煙半
簾明月伴宣傳韻聲
重明光謹陳案頭用除逐臭

送友筆

許君信

太白金花生江郎彩灑龍蛇競走雲霧濃浮
兄雅作定
遠之投我且效元常之閣敬供十矢聊助一床

墨

華鏡

玄香守聲蜚烏玉松烟暈月花霏凝雲想盈袖神來
濡髮膽勝聊陳十笏用伴五車

硯

華鏡先

金舍鸚眼雲濕馬肝寧為桑翰之穿不學趙來之桑
敬呈學海留用玉堂

紙

孔頴之

玉板雲浮水紋雪淨墨花新
簇好句題來想元價貴
三都敬呈紫頰少供揮灑

送梅

毛文煥

南枝窈窕橫斜態似玉人醉倚遺半偈
菴前居士推
牕香雪滿林花底流鶯攪眠此中佳致
十倍富有瓊
瑤報我

与項孝廉

程夢熊

游雲間返棹溽暑灼人一切謝客知己如仁丈不一
幸裳湖駕笑矣弟不敢以襍蘂溷閱者薄元澗藻聊
展明信片

臚劉孝廉

許君信

腐太史足跡半天下故學日以閱公今步其後塵年
歸時眼底江山擔頭風月當與俗輩爭分也臚儀不
腆敢獻從者

硯

汪南溟

鳳味一枚端方豎潤聽後文房漸磨之下可知為耐
久朋也

与吳曲羅

表石公

朱魚六尾專人齋上其佳惡侯公鑒定不肖言惡則
涉謙言好則涉夸且慮識鑿不精貽明公之笑

謝餽

雜帖

王右軍

白石枕殊佳物溪感鄉至

謝賜絹葛

沈休文

素采米華絺文霜潔變溽暑於閨閣起涼風於襟袖

謝趙王齋乾魚

庾肩吾

某本吳人常想江湖之味及其飢也惟資菘藿之餘
慈賚渥恩波瀾成雨翻驚河伯獨不受人是笑任公
終年垂釣

謝趙王賚米

庾肩吾

丹鳥銜穗既集西園黃雀隨車還飛東市清而為種
不無霜雪之精取以論兵即成山川之勢某仰貴國
祖遂開塵孰非丹竈而流珠異荆臺而炊玉東方朔
之捧案既息長饑西門豹之墾田方慚此賚

答趙仲修

蘇子瞻

公清貧更煩輟惠羊遺謹已拜賜使我有數日之飽
公亦無乃決向蔬食耶一喙

與循守周文之

蘇子瞻

今歲荔子不熟土產早者既酸且少而增城晚者不
至方有空寓嶺表之嘆忽信使至坐有五客人食五
枚飽外又以歸遺皆云其香如練家紫但差小耳二
廣未嘗有此異哉又使人健行八百枚無一損者此
尤異也

答王友

徐文長

野客清寒僧廚齋寂承此食肉之盛惠得免瘦癯因
思無竹之雅言形諸圖書惟公超雅諒不擲掄俚筆
以思捫心知感

答王大參陽德

王元美

入春風雨連綿鬱鬱無好思偶得小晴從友汎輕刀
問梅花使者以書及筐柑至即取分嘗之風味殊絕
得示收藏至三月間更佳兒輩饒口恐不能待也

与汪惟一

王元美

俾來辱箋教損餉種種扁頭二詩壯麗精切古印新
刻所謂五湖長不敢不拜來意之嘉陶隱居十賚未
足多也

謝茶

何慶元

望仙芽如金莖孤悶枯腸泔泔作苦乃竟勞特使耶
讀教閱裏便自清風習習注瓶細嚼快可知已

答江綠蘿

袁伯修

十年夢想庖丘茶如想高人韻士千里寄至發瓶喜
躍恰如故人萬里歸來對飯笑語不足方此愉快

謝移竹

陸德龍

霖雨過山陰翠篠靈根分榮名檻不幾嶰谷小園哉
來歲也龍時請君過我把酒焚香看此君上青霄也
費長方拔竹杖於暮波竟化龍而去

謝金山岳叅戎

陳翁公

台翰先施岳以名既至於金距之鳥尤為奇特當效
紀滑子養之但僕不能如鷄窠中老人耳

謝陳寧別惠炭

支大綸

稿念久灰寒纏坐擁烏薪陡發白日欲噓即使較書
徹夜無煩太乙吹葦雖云橫簾魚期絕勝袁安高臥

挾

矣薄言申謝

庫肩吾謝炭啟云識慚曼情似見昆明之灰清愧
伯鸞不後因人之熱

謝茶

陸德詵

顧渚雲籠武夷山色片片從天際飛來披芳飲德沁
入腸胃時更欲向吾家桑苧翁索經為報願猶以為
詮之也而不敢

桑苧翁陸鴻漸也著茶經

謝橘

郭維禎

凌霜顆入口齒頰皆香以相如渴病剖爵之即冰漿
露桃不遜矣

與陳仲醇翁公

王鳳翔

得手教及佳篋竹如意之既會僕非永嘉二張何以

背

辱此作小詩揮灑及夜卧搔背癢時輒思覩之下煙霞著字耳

東項秀父

徐紹曾

承惠洞庭霜金衣一劑瓊漿頃生甘逾萍實冷逼冰壺矣援筆攪紙清風雨腋

謝惠魚

徐文長

連餉波臣信怡野老不意塞北無煩彈鋏之勞乃使江南日習舉網之趣風味滿座國荷非言

謝凌雅明筆

陸治

膏土方析林間稚子陟出他日高蔭涼生疎風籟起我公逸思可想見矣念我老饕使千畝飯在胸中便當解衣禿兔不足酬高情也

与唐一菴

吳維岳

辱惠鱸筍披楊之間殊非世上炎涼所得侵

謝湘起筆床

王和澤

管城子渭川名族非湘妃不足配夜深燈檠據梧獨坐月上虛牕輕風動籜將無環珮歸來湘靈鼓瑟入我夢思年

与劉振之

程敏政

得石田詩及書畫山房寂寥忽爾熱開入夜秋聲滿
竹樹間疑助予之喜躍

謝王百教

毛仲章

伏枕空林中惟有蟬聲松影一破冷氣忽辱薄翰兼
拜茶器急掃梧桐樹底烹金消泉注之七碗啜罷馮
虛歛仙矣

与喻邦相

王鳳剛

真氣不足染外梅梅种明逸所謂山中寒寂所以養和

讀過詩笺香氣霏霏滿口何又當雙魚也謹列座右
奉為紫薇君房矣

謝枕

孔頴之

邯鄲未醒黃梁蒙兄授枕清夜片時春多必飛渡故
人側也豈止風游僊賜耶

謝鏡

秦嘉楫

承惠明鏡如對丰神如見肝膽古人謂千里面談藉
此清輝映矣

与悅公

王半偈

積日膏飲正苦熱中忽膺茗惠足沁文園渴矣顧言
良晤秋以為期

答無錫許中尊

陳翁公

惠泉屢錫以口腹累人幸在君子之交不煩水懺咲

答朱在行

王半偈

富按天竺先生即觀音也
天 謁天竺先生還衣上白雲猶冉冉乃拜新粟之貺紅
葉作薪青蔬充饌人夫香供無以易此

答項明火

王三才

者然夜舉不能五六酌名醞二執手自啓關足了一
冬事矣珍謝珍謝

謝劉姬惠蘭

王百毅

捐惠芳蘭頓蘇病骨每當涼颼衝簾斜魄照戶疑足
下携雜佩歲蕤荏苒涉湘江而來也

翁公云古人以蘭為香祖余欲結節四面雜蒔蘭
花題曰香祖菴有柱醜異人常在澳樵裡老鶴多
眠蘭蕙中

謝茗

王煊

竹匡床損惠陳之廣長庵異時慈錫飛來請跏趺其上高談十二部以此代七寶須彌

與洪伯子

鄭大儒

弟素多為幾忘成旦承惠司晨畜之窓下一聞喔喔聲便起舞向非兄覺我幾從走狗場完少年局矣

謝履

孫仲言

忽承履賜頓看青雲冉冉生足下也敢漫踏黃塵以污清惠俟結襪以謝

謝借舟

王石菴

容明州半月大半在雨聲中賴是下盡鴉差委蛇不然行李生蒼苔矣

謝香肥皂

許君信

拜佳惠頓覺塵洗玉樓香生五鑿如蘭之契佩結不忌

謝蓮花

張益兩

蓮分玉井芳鬢眉不覺光霽滿襟如坐瀟溪風月

玉井韓昌黎詩太華峯頭玉井蓮光霽周茂仲愛蓮人稱之曰光風霽月襟懷競瀟溪先生

謝瓜

凌湛初

火雲結蓋，合綠衣使良切。卒然惠我，浮之碧泉水液。
漾漾可透肌骨，且免納履之嫌矣。
綠衣使瓜名

謝柑

張一中

黃柑如蜜，忽荷傳來把酒。聽鶯大堪，鼓吹詩腸。

與曹太史

王百穀

戴黃似酒，贈紅若玉。更爲甘醪，一石便可畢腹腸矣。
恭辱嘉惠，感不可忘。

謝草

胡承鰲

雲霞陽臺，何必覓巫娥也。足下以蒲湘筆贈我，一枕

天風疎簾，看奕不知身在楚江矣。

與友

王半偈

春燈燿燿，不減九微。轉贈麗姬，遂與人面相映。俟是
下至，當出綠樽佐之。

謝酒

杜玄度

坐千頃波中，已如飲醇。自醉乃甕頭，新醅從仙掌。分
來不減洞庭春，主人厚至矣。

王會州先生與張助甫云：愁霖再旬，一望臣浸。饘
粥之產，白如甌脫。計無所復之方，賴麩生以解。

塊辱損俸即付酒家可得百執却取白葡萄佐之
耳

謝炭

許君信

瓊屑飛空客牖冷落承惠烏金寒威頓減烘筆裁謝

謝湯若士

劉汝佳

辱惠銅雀研兼以子建况不殺也主臣不殺何敢當
緬想總帳人嫌嫌向西陵歌吹而翁一時雄霸得与
此瓦俱存否吾獨賞子建辨造微談不徒以翰墨
勳績則來物堪珍自在臨漳瑰奇外耳僕敢不十襲

藏之与思王同意

謝韶韶安

王百穀

烏薪遠貽寒士之廬煦然扶續于以卒歲不憂黑貂
救哉

与黄淳父

王元美

僮回破篋柑香襲人以一遺仲蔚一自供至今臯端
拂拂作天際想孰菜色如藍田綠玉啣之令冰液流
齒牙酒腸自滌真大快也恨乏曾子桓手筆形容之
使二奴沈鬱耳

辭餽

辭饋遺

我通不受餉不容獨當故人筐籠

与劉壯輿

蘓子瞻

辱手教仍以茶筭為貺契義之重理無可辭但北歸以來故人所餉皆辭之敬受茶一袋以拜意此陸宣公故事想不訝也仍復來命幸甚

荅范純夫

蘓子瞻

三辱示諭鄙意不移公休之餽人字之心也不肖之

江羊

辭夙昔之分也某已領其意而辭其物物有齊量意
豈有窮哉昔人已聘還珪璋庶幾此義

与王百教

王元美

僕醜陋偷生言及縣孤腸寸寸碍安敢當賀即辱下
以孤山例誘我雖謝客尚能具酒醪脫粟以待不然
者索我東海雲為中矣

答朱在明

王元美

公為天台雁宕之游未聞稽古有此勝事知奚囊
積不特雅贖拜辭入春當掃徑以待

招飲

与姜唐佐

蘇長公

今日霽色尤可喜食已當取天慶觀乳泉煨建茶之
精者念冰君莫与共之然早來市魚肉當相与啖菜
飯耳不嫌可只今相過

新夏招王午陽

許雪村

梅霖初霽籬徑中紅香爛熳山翠飛瀉已令燒松煨
竹葉矣軋車一過星涯濃淡半日恐亦不惡

杜詩竹葉于人既無
分菊花送此不須開

夏夜招陳子蘊

凌同湖

晚涼垂釣得湖鯿一頭長可二尺斫鱠甚甘也青松
落陰明月在樹此時令琴兒彈廣寒游与下下箸
其樂不可為量

午日招友

陳省公

鳴鷓播弄絲縷繫臂葵榴綴錦蒲柳搖旌澤畔悲吟
江頭抱恨令人千載如見也足下幸過我一洗之

新秋招洪林子

盛錕侯

平明霜酒醒遲新涼著人時聽曉外芭蕉作疎疎聲

起視銀床大半沒招葉足下可來共作悲秋客也

銀床井欄也

七夕招馮開之

屠長卿

今夕何夕客中多懷足下可乘晚涼來共坐嘉樹軒
觀天孫渡河僕嘗為長安七夕篇酬之

招李憲部游山寺

黃甲

決旬不雨頗增渴思詰且小挈蔬盥遠板轡巖確之
玄冰想同慈月

白門歸招張孟雨

王兆雲

一入金陵便見紫氣變變結紫頭不堪持贈期五下
過與餐之天宇四垂明月在座

招孫以德泛月

屠赤水

湖水微綠芙蓉盛開明月轉空六合朗霽雲物且為
吾曹生色塵足下過賞

暮春邀楊虛左

黃甲

摘蔬小集遠峰濯雨古木晝陰小山未計春歸幸北
星聚

遙海上月天宇四垂一碧無際游魚上下水光頃滉
已命沙棠取危酒吟沈郎夜汎也

元夕招同社

黃光宇

管絃沸月火樹燦花已剪春韭濯壺觴酣歌厚白蓮
塵玉漏頽戒漫相催也

午招宋中虛

陳翰臣

時際天中蘭水競沸一樽白墮醉藉梅林祇假關河
速移文駕

夏夜招馬廔明

許君信

山頭撒錦天際懸釣花乳侵羅蛙聲沸鼓一壺花下
遲火共消之

暮春招友

屠赤水

谷風習習烟花如綺芳草如剪漸聽子規聲微無計
留春呼童洗筆吹霞唾月惠臨是荷

秋夜招友

李元暢

白雲溪上秋色漸肥頓節浩歌先浮杯杓想庫興不
淺當無侯穉子候也

秋日招王印洲

許以忠

江楓掃錦籬菊堆金更有榆錢散地第已簡取換村
醪与足下醉弄秋色也

招友飲雪

屠長卿

天潢剪水風攪長空銀海光搖千山欲白雖無党家
味已呼童煮茗毋使胸君笑人

招友

姚文燁

昨已露布邀玉趾無珍羞無生客淪茗說劍聊畫一
日歡耳

招友泛月

宗子相

雨中連榻花下飛觴進艇長波散髮弄月紫簫玉笛
颯起中流白露可餐天河在袖此人問至勝僕得與
至人共之

午日招友

俞璋

設蒲樽踞胡床痛飲讀離騷數行可當左徒澤畔吟
也 屈原為楚懷王左徒

招安緒解

王百敬

新築松壇可禮斗松風入耳如春江帶雨潮足下禱
一坐其下何必元亮北牕颺此亦羲皇不遠耳遲之

遲之

招王蘿山

唐景風

竹多處無雲陰亦滿一簾蘿月四天鎖碧儘堪幽賞
互不其過哉

招友泛湖

屠赤水

湖光灑灑紅落杯中青來筆底屈文旆一泛浩歌柏
浮當使馮夷起舞詭魚翔躍

招友游飲

許以忠

峽口泉聲枝頰鳥語潺潺漸漸善銀管冰弦並奏弄

携一壺柳下遊^送之下側耳聽之唱金縷一曲為如何
如

招虞青禽

徐重文

仰聆揮塵坳窳塵蒙倘餘暇無地妨真風播之再展
第披襟而曳履毋苛禮以備容專待豎河放虛前席

招黃震宇送春

虞邦譽

茅齋無長物幾卷圖書教羊修竹儘堪供狂生尚羊
先其過我酒澆清川詩壓齊花不許東風歸去

艇借夜人絲肉與足下醉殘頭明月聽玉樹歌殘未
肯歸渠不大快毋使弟徒有天際雲中想也

招蔡比部

林太華

炎威逼人賴山中竹陰滿庭白雲在榻欲放何翔諾
子斜頰放歌作迺暑飲知足下不惜枉轡夷門也
俟飛軒

招潘子嘉

凌約言

春風繡綠花下飛橈可破幽人寥廓子嘉游浪之暇

昔從南宮彩鷁吾當負白囊相拾嬋娟一舸招子嘉
於中路此時澄湖練明與雲光揆映若子嘉放歌清
秋吾亦擊節而和如是者人生幾何哉某桑君奚為
籬東人所羈使我寥寥也

招詹貫吾

汪仲厚

歸陰遍野黃鳥嚶林明日煇雀舌焚龍涎與足下拂
草荷際看閒雲四垂作蘇門嘯

招許君信

劉肩吾

衣剪秋荷飾羅汀並載酒囊琴携筆蠟屐天開丘壑

四壁龍葱當不亞馭六盤於五城十二樓間
漣之

招從湖

王 榮

江上芙蓉滿把殺紋迎棹當取一葉浮之茶竈筆牀
學個散人樣子非兄莫可共和艇幸即褰衣

與杜玄度

王百穀

齋頭窈窕若長干破寺壁間梅沙彌畫淋漓欲出雲
足下來共賞之

招友

何 虛

不批名利太山擔不駕是非風浪舟
值此溪松細雨
霹帶烟嵐幸駕虹而來狎坐松底持螯浮白意味清
快

夏月飲妓

王半偈

荷舒千里桂滿一輪坐擁綠雲飲開河朔柔肌無汗
何夏非春嬌眼流波有醒皆醉一聲子夜六月雪飛
語快南薰酒耐北海訂期先日莫後花車

招泛月

范攄

湖光一碧萬頃瑤田當疑人在鏡中行幸而過我相

興掉破波心也望切望切

雪中招友

朱道顯

聚朝雪淪茗焚香知元勝情不淺定披鶴氅來毋使
党家知興味

中秋前一夕招友

陸德龍

高曼露湛桂魄尚虛一痕正好向姮娥訊天道益謹
消息不獨先長安富家一着色幸早况臨無在望舒
浚 望舒月御也

中秋餞友北上

陸德龍

願公此行流大地之光樹高天之業圓滿世間缺陷
長如今宵之月其可無一觴作祖幸即駕玉輪廣寒
人且亭亭入座矣

渡頃孝廉

董應舉

知仙史南來正欲趨樞請益為糠粃所奪忽承望札
益令神搖九日伊邇烏就潭一片地足供高咏至日
推簞以迎老倉吏於此逃世澣成桃源非其人亦使
聞之也

車項孝廉

程多熊

主人青衣如玉願携來明月下竹枝一曲昂出蘇州
若下共呼澆之鼓拙西矣

七夕招劉惺吾

江桂

七夕靈匹渡河占斷人間樂境奈何坐脫鵲架裁
挹江波微福佳客相與擁姬呼盧招涼流酌亦作世
界上快事勿令瀆旁笑客子輩落窠也

東湛師

王煒

昂叔過邸共啖慈雲并耳青蓮快論

上巳招友

劉景心

語且携小榼游芳垌以草色作茵褥以鳥聲作管絃
花枝作酒籌二三游侶劇飲放歌醉則臨流被袂便
作蘭亭佳致願為下早來

招余宗溟

孔四可

雨後看晴峰更有一段翠微色近以豁醉眸旺吟思
已携澄醅於本末亭中俟之予詩魔降且呼山靈簡
點花下綠茵松梢滴翠以供待中料

餞李勉心往蜀

吳應秋

計之不列成都芙蓉花正開恍然在錦城中行也祖

微

餞一尊聊壯行色且問近下歸期果在寒梅吐白時
平柳亦待岷山上子規啼也候之望之

招兵憲

劉一初

壖磯在望搢嶺可登當午奉迎祭戟酒課詩狂頓空
天地勿俾山靈笑我輩俗吏也

壖磯在蘇
湖大江中

與文宗儒

李西涯

秋霜未厲竹色尚可愛坐嘯其間頗懷佳客非公不
能當請即過我肉醢將熟須對此君大嚼也

晉王子猷喜竹曰何可一日無此君魏曹子建云
過屠門而大嚼雖不得肉亦且快意蘇長公詩寧

可食無肉不可居無竹無肉令人瘦無竹令人俗
若對此君仍大嚼世間那有楊州窟

邀諸心齋

林有潤

一雨洗去驕陽適性池亭上
挹荷風竹露望金山爽
氣飄飄然心骨欲仙走价拾之下
追歡河朔也牙籤
徹處拱聽履聲

辭飲

東項明父

周 達

竹牕蕭散共對請光思為不速之客
惟是視師江上不能停筆為逍遙
游客歸而當問字高軒不敢為紙
筆空談也

答曹觀所

許君信

尋常甲子都無心記憶承兄設瓜果
相招乃知今宵七夕因寡居停主人
席上已入醉鄉不得伴公泛槎
天河倚觀仙系如此良夜何

与陳侍御

曹學佺

以諸公勝懷登高採菊漉酒賦詩共風流端不在陶
彭澤之下第舉俗皆愛其名不佞獨傷其遇黯然悲
咽風雨欲來無能赴文酒之召若丈之好我至矣異
日肉袒以謝

東友

陸德祀

招我游屐即山靈亦傳語而丘壑綠淺投杖蒼陂竟
作酣睡老菘未由振起如何如何

与秀父

史啓元

念兄蕭然遠致幾欲注漫而腸腸作惡又自頽倒聞
命勉足亦須興到耳

辭友

屠赤水

僕素無阮公量也舉杯一吸若丹楓迎霜顏醉矣兼
以抱疴拈衣欲起且為藁使所維辱寵召方命為罪
賤軀以調腫門叩首

與友

吳虛

味款桐馬痰感河魚不獲蘆坐春風祇有飲醇自醉
異日玄亭問字白杜尋詩當送公子邁耳

答九日招飲

李元暢

風雨滿城龍山飛箏何須更望白衣寄語西風一任

謝飲

与趙凡夫

王百毅

高館蕭森一吸凉颺聽快論已堪腹飽乃更勞供具
使人不敢渡剝啄問奇字矣

与衛太宰

吳仁慶

河亭尊酒鐘山秀色半落几筵外適为朗遂頽然醉
也委頓接史作謝劣劣無次

答興郎

王夢澤

展謁王庭過承清晏張筵虛左絲肉益奏義和既逝

蘭亭嗣輝逸興千霄對地纓絕俠氣溢於四座餘歡
庇於斯輿

宋之問有句云主稱未醉惟見馬駐浮雲賓若稍
留自有魚銜明月

謝周二丈

曹爾禎

夜來飽飲郇廚至今齒牙間猶作蓮花氣

謝喬二丈

曹師建

夜來曲房張筵笙歌迭侑斜月界漢觥籌亂飛蕭然
世外矣咄咄喬郎又何遜北海

漢孔融為北海太守嘗曰座上
客常滿樽中酒不空我無憂矣

與項孝廉

曹爾禎

弟北鄙人第堪貫鴈燒酒大蒜長葱炕頭一飽那知
天壤間有此珍味殊令五臟神詫異想胡麻餅正不
減是施者淡矣報者未至奈何附言申謝

謝飲

袁中郎

盛宴不忌謝獨攜手徘徊滿口肝膈大快也別後歸
家去巾幘雨手板頭熱湯一盆解癢苦茗數杯解渴
故作酒態令妻兒女子樞腰搭背負坐至此自知不

咸推書萬卷矣問仁兄昨來亦有此樂否

與狄元佑

徐觀濶

飲荷花池館老槐蔽日綠水隔塵身恍在水晶宮
歸來暑氣盡銷衣袂間尚融融帶翠色敬謝主人

與友

魏較

游絲千尺下側耳鳴鶯正作雙柑之想忽浮大斗
鼈腹適克宛轉彩雲不識阿誰扶去敬脩謝楮不盡銜
悰

謝友

孔四可

乞

與阮瞻輩乞教

司馬越

學之所入淺體之所安深是以閑習禮容不如式瞻
儀度小兒昆既乏令淋之質不聞道德之風望諸君
時以閒豫周旋誨接

與滕達道乞盒子

蘇子瞻

某好携具野飲欲問公求朱紅盒子兩卓二十四
隔者極為左右費然遂成藉草之樂為不淺也

與陳天侔乞果木

蘇子瞻

白鶴峰新居成當從天俾求數色果木太大則難活
大小則老人不能待當酌中者又須土礎稍大不傷
根者為佳不罪不罪

與張助甫乞教

王元美

縣官廩不易食坐食之腹漲億欲澂有以稱塞者之
下幸扣囊底智教我

與陳郡伯乞詩

連繼芳

走即落魄甚而滿鬢烏號以句雲頭此志尚岨丈人
讀禮餘閒詩囊必滿幸賜為小軒生色連生尚能按

脛繫節也

與金孟章

錢文薦

聞兄衣彩歸此自天倫樂事暇時携杖登叱羊峰計
峰頭白石磊磊具在業經仙人點化年代雖隔靈氣
尚存吾兄試持驚人詩叩之必能羣飲耶嘗答何為疥
寐不一示弟

與文博士乞書

陳五岳

尊公徵仲墨妙重海內乃淮亦名瀆無公家隻字在
金石私心怪之即著人波羅樹碑亦不存尤可恨偶

得鄙作二紀乞足下大書同異代之李邕也

安羅樹碑在淮安府唐刺史李邕記併書

與何侍卿 詩 乞畫

祝無功

秋色可人足下能乘興點綴一小畫惠我齊歸乎世間清事最不受迫興不至且已興畫且已

與程仲權 乞詩

王百穀

齒病不減頭風冒絮擁爐跼縮如蝟乞足下一篇愈之

與文衡山 乞畫

宗臣

僕奔驚塵坐江南山水日夕神往况公山水中人那妙染乞時寄惠臣將神遊其間如陪公巾履

與張未孩 乞柳

寧任衛

日過清堤聽翠陰中黃鸝聲悟得陶先生當日有意君家到徑起眠含煙作雪走乞教技分揮門左如對君家少年風流也若曰九烈君彈汁了非所望

與該兩懷

顧汝紳

家無司夜送君家乞一二乳畜之使窓前吠花影與鐵馬相和亦足破衡門岑寂博餘引來母驚回顧至

望至望

与張孟雨乞飲

許君信

柳煙方裊草木自馨不能悶坐乞大放瓮頭春令許
生醉倒武陵上与風竹相吞吐

与朱幼文乞飲

虞青霞

報我佳釀新熟如在鼻頭馨香頓使酒龍飛舞恨無
王喬之鳥足至甕傍醒而復醉

与友乞菊

張孟雨

空齋如水不點綴東籬秋色豔得笑人乞後一二種

与友乞桂花

何虛

穠香若噴意從蟾窟飛來結瓦亭畔幸擲數枝使弟
高咏小山共證無隱

与王司馬伯玉

王元美

向辱損文羽僕布素之軀不知所裁此後勿更勞筮
篋惟饒口難屬厭耳一笑

翰海卷之五

雲間陳繼儒著公鑒定

門人

沈佳胤錫侯輯
殷之輅元素叅

情至部

慰

与李端叔

蘇東坡

叔靜云、端叔一生坎坷晚節益牢落正賴魚軒賢德
能委曲相順適以忘百憂此豈細事不爾人生豈復
有佳味乎、亦靜姻反想得其詳故輒以奉慶

与周翼亭

王錫爵

古人窮愁中念一命字百障皆空今在吾文何胸中
權權減倉之多也夫安知造物者不借舌相困又安
知此輩不還着於本身又安知吾文今日之困不為
異日之福已矣勿言之矣

与吳明卿

王矣州

聞足下問大駭已欣然甘之知固宜耳夫諸貴人計
且後僕以為足下莫若顯足下用長安一席地摩
之僅令不絕升斗祿而放之曠蕩清漣之所使窮耳

目之態而時拂以牢騷激昂之思此為厚耶薄耶

寄黃慎軒

馮琢菴

浮議易消公評具在暫淹漢渚終作高霖恐不免提
謝安之真勿適為許由之年也

王矣州与訛君善云足下幸自寬六月暫息扶搖
非遠加餐為故人慰

寄孫子京

劉汝佳

良苦足下霜蹄暫蹶哀鳴不渡自惜錦漲泥耶要之
朱花赤汗終非外廐中物欲壓小槽一洗傀儡想足

下胸中自無不平第何容唐突西子

与歸熙甫

曾信吾

足下行古道不亮於今人又從而甘心甚可異也夫
蜀之日越之雪由來犬耳足下何尤焉

与朱在明

王百後

足下復屢而東按圖者之罪哉比過春申山下望大
江煙樹微茫憶足下無翅其間也欲往從之河魚梁
懸然不能已足下幸自慰終當奮翼灑池耳

柳子厚送辛生云吾聞焚舟而克干劍而盟者皆

敗北之餘也子之霸心雄氣無乃發於是行哉

賜之信刷歷境之耻乎

与顧涇陽

汪道昆

聞足下南翻未振空

下終不作局趣轅下駒

彼蒼良有意

答馬心陽

湯若士

南臯書來慰弟云蕩茫海宇遂不能容一若士倘若
士此中又不能容一海宇即便為所美矣此語雖非
其至差足豁人亦足轉奉兄破盛為嘆

東馮大叅

陳省公

得報後日遲候歸信因伏几嘆曰清風百世直道三
點固也憐才如春風拂面便消忌才如嚴霜一寒透
骨信哉玄宰度馮先生脂車峭帆行必接浙某愕曰
先生嶽崎磊落人也且以一官為樂下宿以一路佳
山水為籬下物未必遂返果然

與王鴻臚

王半偈

彤庭尺寸地不能容王君豈其著無處乎雁宕龍湫
之爽氣以荷衣貯之飄飄然不勝骨之欲便奚必長

安馬首以手板指西山為也

與汪伯玉

王元美

閩事急國家得公如天球大貝一旦借公力畧定不
經事以年從而擬其後賴廟計差定耳公所謂獨派
猶鏡磨之益瑩且此舉僅六月息扶搖羊角九萬益
上第臺諫類若此異日縣官緩急何賴

元美復成都督云南沐善兼伯玉賴公是在廟廊
間不過六月之息分國家無以使勞臣耳事迫則
驕詘生瓜翼事定則曳齊蒙垢嗟嗟寧獨一伯

王哉

寄慰蔡郡守

王百教

讀邸報舌吐不能收
柳下自宜默奈何中公以墨吾
儕小人不敵知但裁曾參不殺人也留床載石之事
古人誇以為榮者如今日安能免文法哉一麾何足
重輕公公直作浮雲視之耳

与歐楨伯

王念州

足下已請告且夕當發何必減二疏都門俱悵嘖嘖一
第不如鍾山一片秋色寓無聲之情獨至耳山中白

雲不待分供自爰自爰

荅王青浦季重

陳省公

自來曩屈而伸、鵬息而飛、非特造物成就之有機、即
聖賢之處、因亦必有道、願明公苟介之胸中、則十五
城九萬里、故在也

与宗子相

王元美

長安譖貴人橫弄風雨、即盡逐我輩、相告耶若我輩
者、如人之苦飛鳥、鑿而繯束之、無奈耳、逐之廣莫之
墟、乃所以相樂也、足下無害

慰友

汪道昆

當世多任耳之談王后糝矣以公珞珞猶不免見抵
不異乎要必有特達者存人言何足據

慰友

王百穀

推賢矜然使孤桐被新要之時無中郎疇哉費下於
是世無焦尾矣使君得無有悔遠正遂不免入宮妬
耶

与屠赤水

馮開之

天帝私矜五彩毫令播弄一世而畜婦名位此殊有

意金馬后渠間豈必才子比如奪足下才而與足下
以物口不能吐白鳳目不能辨青黃禽息視肉足下
甘之乎而以此論姤人間於是下多矣足下論星也
天上不容乃之人間人間不容即欲高飛何之乎信
君之心行君之事安君之命勿 罪文章也足下文
章即不過猶得以百里自雄視下羣室者何如見時
當揮白玉塵尾以披足下蓬心

慰友

徐獻忠

騷岳兩耳服藍車備人操簞策之笑為歎段不若及

其霜蹄歷塊轉盼千里伯樂驚快婦人更伏地嗟賞
幸乏下勿自阻

与施郡守

王半偈

公乃遭吏議悠悠之口曷其有極直以西山爽元消
之武夷之雲其狀千百蒼狗白衣据在斯須耳有該
明珠意以是邪非耶請以醇醪一解醉之

寄友

王百教

檢鄉書乃漏足下名淚惜劉黃年祿章之木不飽霜
霞即其材不堅不足柱明堂足下一蹶造物者霜霰

之耳足下自愛

与馬仲良

錢文薦

客歲閱郎報知足下以高才取居動遭彈射然不知
寶鏡蒙塵增一番磨拭即增一番破瑩彼彈射者
足下直以磨鏡人視之不足責也

君之心行君之事毋君之命勿罪文章也及下文
天不容乃之入問不問不問不問不問不問不問
甘之乎即以此誨姤入問於之下多矣足下請星也
以物口不能吐白風白不能目不能辨青黃息視肉三下
意金馬后渠問豈必才子比加壽足下才與足下

悼逝

与江夏王

劉義季

宗居士不故其清履肥素終始可佳為之愴惻不能
已已

与東宮官属

昭明太子

王威明風韻道士^上神峯標映千里絕迹百尺無枝實
俊人也一爾過隙永歸長夜金刀掩芒長淮絕涸

与沈休文

王僧孺

范僕射遂不救永念平生忽焉疇曩追尋笑緒皆成

悲端

晉向秀傷嵇呂曰日薄虞淵寒水凄然鄰人有吹
笛者發聲寥亮追思昔游感音而嘆

悼劉殊陵

劉孝標

音徽未沫而其人已亡青簡尚新宿草將列泣然不
知涕之無從也若宣室之談有微冀東平之樹望成
陽而西靡蓋山之泉聞弦歌而赴節但懸劍空隴有
懷如何

謝莊月賦起云陳王初喪應劉端居多暇綠苔正生

苦塵凝榭悄馬疾懷不怡中夜

悼柳子厚

劉夢得

子厚平昔聰明絕人今雖化去夫豈無物意其所死
乃形質耳

与馮開之

屠長卿

君典玉折令人短氣草間狐兔正縱橫疇起子拒地
下哉

与俞仲蔚

王元美

朱邦憲遂爾長逝覓吳淞以東無復人風雅俠列事

事在目真慨痛深

与友

王百毅

貞甫化雀恨無能百身以贖惟有氣結淚若龍湫之
瀑白楊淒風瑟瑟滿座

与友

王百毅

茂卿強項乃今在青松根表哉此君玉碎可惜諸人
碌碌柔可繞指千秋萬歲奚益耶

寄任悼中郎

袁小脩

存亡相遷倏忽易歲惟夜夜入夢有若平生耳海內

第一知己既去渡何心世緣

寄兒悼中郎

袁小脩

匠人輒成風之巧伯子息流波之音玄雪無影惆悵
何言

言

与友

王百敬

聞太夫人違養可勝驚痛風木之悲幸魚太甚

与友

尊公乃不祿耶聞之驚悼足下杖而讀禮上奉太夫人且擬來成千古大業是亦報尊公無已時也

与余次公

王百敬

大病乍起不能浮錢塘以匣中魚腸掛文敏公院樹
但有太息盡一廝束生翁注告守冢戶使焚之隧道

白楊悲風代王孫一慟也東湖別墅之間高臺曲池
皆無恙公子宜加葺治以待化鶴歸來但言雙袖
鐘矣

慰夏道甫

袁小脩

忽聞燕子樓中斜陽淒斷亦為兄了却一重公案矣
兄睹此剝那紅顏剝那黃土何必更作白骨流光觀
乎

再慰道甫

袁小脩

高情已逐曉雲空不與梨花同夢此情何堪但一付

莊周諸公慶治也梅花帳中拍子爐邊別有一番光
景新春入渚宮當喚醒吾兄

慰吳虛卿

朱太復

足下復為高瞿耶遠傷我心計今痛當何如好自遣
西河喪明東門不哀非太有情則太無情有無之間
賢者處之耳幸未是枯楊定有生理無多輪教行血

與王胤昌太史

王百穀

暑氣帶勅門下苦廬清勝隨栢半枯知偉元淚如雪
也一詩一葛以為北堂几筵藉門下請作楚聲三踊

而歌之如和白雪蕭蕭耳

与胡權可

王焯

有生緣即有苦趣如晝必晦明眼人照破委為四時
之序乃知卜商之泪為無益愛根難拔請以慧劍除
之

賀

与徐得之

蘇子瞻

得之晚得子闢之喜慰可知不敢以俗物為賀所用
硯一枚送上須是學書時弄知似太早然俯仰間便
自見其成立但催促吾儕日益潦倒耳恐得之惜別
又復前去家中闕人抱孩兒淚為不皇呵呵

賀李之文母壽

屠赤水

彤霞在天海月甚麗畫快老人星現也把酒請白雲
諳因風而寄曼聲以當堂下珠履菲儀馳賀

賀友壽

王百穀

南極光浮結為台履當撰海屋之籌以慶閑陵不腆
之儀聊當麟脯

賀文明府

王北雲

異哉黃口台芥畫娵娵送上為明府祝維棋則人鳥
用安期巨棗西王青鳥為

賀汪太學

劉璘

聞兄^{弄璋}璋必英物也肯堂有人矣晤時書浮大白效
拜人三祝

賀王克齋

許相卿

聞丹桂添枝幽蘭叶夢萬事足矣未遑面頌畧布私
忱幸叱入

賀朱侍御

汪南溟

夜來喧傳德星飛現蚤聞我翁弄璋深喜世德作求
豈特鐵豸流光哉菲儀聊充葦盤

賀胡侍御

葉逢春

天上石麒麟池燕鶯忽飛入公家食牛之乳當溢于
裳箕傳有人公門益高賀儀幸麾入

環

与友

吳文瑞

聞佳元充問即走穎作賀第驚夢驚錯寫吳塵章且欲
試其啼聲幸儲斗酒遲我

諧謔

与沈君典

屠赤水

仁兄還宛陵大漫稽天此當是澤國魚龍妨足下掌
上兩明珠孫夫人不作漸臺魂幸矣

与湯隕陸

袁中郎

札云酒畢再來取此一語甚妙弟讀畢捧誦再過復
令小奚取筆旁加數圈亦可謂勇於服善者矣

与鄭姊子

洪五明

竹塢夜飲被無端姬娥把容光相玩弄四鼓未傳已

將弟輩形影亂提砧下思得一計敵之非詩不可受
下大哉詩王勿令小覷吾儕

復洪五明

鄭林子

詩王他遣未回兄可再鋪一筵弟能俟姮娥一出便
以酒鬼壓倒

報盛伯子

洪五明

鄭生帶酒鬼赴陣姮娥果怯疾駕浮雲把廣寒宮緊
緊遮開弟輩已豪歡暢飲羞之待報

抵康城報月娘

盛鏗侯

李郎久到西明杳不見紗帽紫衣但有王峰孤月照
我床頭寐寂一衾鄉若寒盟山靈當不故鄉也

復盛伯子

月 姪

別來不知幾許時但見牛郎三渡河請問盛郎幾渡
粵江也妾初期作李郎不料翻成王生君若寒盟山
靈又豈放君乎

與江進之

袁中郎

弟已將進士二字拋却東洋大海候命下即自上一
乞休本了却前件作世間大自在人直待江郎作吏

部尚書三年後髮白齒落然後將金丹一粒點化江
郎同證大果豈不快甚

与殷元美

屠赤水

足下領夷陵以出夷陵故荆南小川最勝處足下賢
豪人山靈借杖屨使陽臺之神通刺使君緝部下女
子亦人生快事

与朱僉憲

張時啟

僕今日乘舟洛陽泉明日宿大華頂上必期仙舫來
不來當遣海若揚大颶吹十丈塵擁足下案牘令足

下不得省簿書急期會也

与王百穀

王元美

僕六時晏坐澹然無營足下嘲我未能遽焚君苗筆
硯筆硯故當焚但世無士衡以此二物得小延第令
生塵若史雲金可也

与莫秋水

屠赤水

足下江左騷雅領袖煙月總管一踏吳上通都若狂
奔走足下江南花事行成湖邊青雀陌上紫駟過從
必衆一花一石履屐何處不到題咏何事不編竊恐

山靈大妬足下夜半以鬼物盜公練筆奪公繡腸令
之下化為一稚男子腹不能貯奇字口不能吐佳言
態然雕腫向人飲啖而已豈不令屠生拊掌稱大快
哉

答友 誤書批杞為琵琶

承惠琵琶開奩駭甚德之無聲食之有味乃知古來
司馬淚於潯陽明妃怨於塞上皆為一啖之需耳今
後覓之當於楊柳曉風梧桐秋雨之際也

白樂天謫江州司馬送客潯陽聞舟中琵琶聲慨
然自傷作琵琶行○明妃抱琵琶出塞作昭君怨

○琵琶詩云楊柳曉風春
滑滑梧桐秋雨夜嘈嘈

與湯義仍

袁中郎

所云春衫小童者隨任不聞亦是共回善爾善亦管
得着矣胸中欲語者甚多紙上却寫不盡

與王百敬

王鳳洲

足下云負郭不植半蘇孝子審爾即使日嗽脫粟僅
堪活七人半耳呵呵

翰海卷之六

雲間陳繼儒者公鑒定 門人沈佳胤錫侯輯

藥石部

勉

与公孫賢良

鄒長情

人無幽顯道在則尊雖生芻之賤也其人如玉故贈
君生芻一束五絲為緇倍緇為升倍升為緘倍緘為
紀倍紀為纒倍纒為緜皆自以之多士之立功勳効

名節亦凌如之勿以小善不足修高不為也故贈君
素絲一襖撲滿者以土為器以蓄錢具其有入竅而
無出竅滿則撲之士有聚斂而不能散者將有撲滿
之懼可不戒與故贈君撲滿一枚山川阻修加以風
露次即足下勉作功名

与子

孔 臧

告淋頃來聞汝諾友生講肄書傳孜孜晝夜行行不
怠善矣人之進退惟問其志取必以漸勤則得多山
澗至柔石為之穿蝸蟲至弱木為之斲豈非漸之致

乎

与子

司馬德操

聞女充役室如懸磬何以自辨論德則吾薄說居則
吾貧勿以薄而志不壯貧而行不高也

与慕肅

劉子揚

方今天下豪傑並起吾子姿才尤宜今日急還西老
母無事滯於東城

与後子敬

嚴 氏

諺云忍辱至三公卿今可謂辱矣能忍之公是卿坐

戎子

杜表如

中人情性可上下也在其檢耳若放而不檢則入惡也昔西門豹佩韋以自寬宥子賤帶法以自急放能改身之恒為天下名士

戎侄蔚

蔚時丞相府名為送事

劉夢得

若知彛器乎始乎斷輪因入規矩劍中廉外枵然而有容者理職簪堅然後如靈石馬風戾日晡不副不聲然後青黃之鳥獸之飾乎璠金貴在清廟其用也幕以養潔其藏也積以養光苟指非其所一有毫髮

之傷儼然与破甑為伍矣汝宜力学為誓斷親賢為青黃陸儵女為璠金忠所奉為清廟盡敬以為幕慎微以為積去怠以護傷在勤而行之耳夫偉人之一顧踰乎華章而一非亦慘乎黥刑行矣慎諸

送祖評事

任華

見賢良則引而薦之勿憚勿疑見仇怨則報之以德勿瑕勿疵吾嘗以此為終身之寶今以終身之寶贈君

送林明府

歐陽詹

公有社稷有民人則弓矢入養叔之手徽絃在師曠
之際何微之不中去矣無使朱邑暮恭專美是官

與開元明師

蘇子瞻

石橋之懷每為悵然吾師經營那不堅畫畫由窮蹙
之人所向無成累此橋耶知尚未有涯但勿廢此志
會當成耳

與潘邵老

蘇東坡

今過小巖不翅於蚊睫已磊磊柴於胸次則行車
名干戈之間泛舟衆口風波之上其能立我以宰制

萬物使得其職耶邵老幸熟思之

與秦少游

黃山谷

天氣日夜涼漸宜燈火想於文字益有功願勿載得
失於心

與六姨文

黃山谷

無辨可以息諍魚爭可以止怨此最事簡而易行願
留意於此惟望以聰明回光自照焚香誦經勸習齊
即學業以待時至祝

答王秀才

黃山谷

淳園書云無有一善從懶惰懈怠中得無有一法從
驕慢自恣中待此佳語也顧少無意不加功而於命
猶不鑿井而俟泉也既承頌劄見与故聊助聰明之
萬一

年六家宰

王守溪

知己正位家宰甚感甚感銓曾自首所重所共位者
可以無翰旋之術乎抑奔競黷貪殘虐名節與恬退
久住使此其術也勿謂時難為此而不為將獲高長

答黎世謙

魏較

聞兄備嘗險阻固天所以王汝也松柏不歷冰霜幾
與凡卉無異大丈夫歲寒之節正須受得摧挫纔有
根器可致遠大

与解撫兵

徐階

朝廷以執事有威名簡吳將旄倚注甚重近日地方
諸君不能取勝者其弊有四一曰驕馭無術一曰賞
罰不嚴一曰分數不明一曰出兵草率今 聖明
督府及舊將法亦嚴矣後此地方愈殘破 聖怒將
愈不可明執事勉之勉之

寄張聖如醴使

湯若士

觀人者醉之酒以觀其恭予之財以觀其廉今所誠
於門下者非衆醉衆渴地邪門下當有道處此積水
奮毛未可量也應嶺南校時勤多想惟益堅冰雪以
候春陽

與薊遼督撫

張若正

戚師近日舉動何如折節以下士大夫者文以期實
效坦懷以合睽二正已以振威後乃渠今日景功
也相見幸一勉之

相聞而去若銜枚然使僕不能歌大樹壯行色也

與洪州子

感鏗侯

晚照中見一林霜葉半入煙裏却把十年舊恨併上
看頭十年舊人推來眼底盛生素饒熟腸不堪此冷
味大兄亟來破我岑寂

東項明父

姚履素

花簇錦屏鳥沸歌管觴行無算朱顏再醜此樂至今
思之小園惟有竹陰滿屋池波潏灑可飽雙目台丈
不惜狂纏弟當治果餌為茶椀之助

不許其... 東... 知大... 養... 湖... 海... 財...

清良以不見徵... 欲其... 長安... 與... 問... 乘... 世... 畧... 昔...

劉汝

清良以不見徵... 欲其... 長安... 與... 問... 乘... 世... 畧... 昔...

醫西卷之

此其為難中已非此其難也翻此其難也非此其難也

其難也

其難也

問如附片刺

其難也其難也其難也其難也其難也其難也其難也其難也

其難也其難也其難也其難也其難也其難也其難也其難也

其難也其難也

其難也其難也

其難也其難也

謂立身無狀墮囚有年等語分數愛欲其生不勝惡

欲其死之多實在鄉人不善惡之猶有善者好之之

幸但非有大慈悲具善護之行莫以猛擔當全龍象

之雄豈肯捨己而耘田終於道傍之築舍得諸秘密

感而涕零辟如蠱瘵在床雖至親視為惡疾而不共

棄之謀迨和緩入戶則病者一聞藥香而興必起之

舍道義所在天地共臨恩德罔酬結銜猶負

与毛別駕

錢文薦

昔人稱淡交交淡則久彼握手道歡其濃若醴無何

翻覆如雨如雲此道幾投大荒之野矣好門下念故人如新始信明水萬逾醇醴也

東朱侯

洪時臯

不肯愧非出世人物何緣掛在明公口頭又何緣臥在明公東上

与項明父

胡汝淳

風亭幣昭雲潤波滌弄落落一具骨遠似虞翻視受知自希不識兄文何以收入鷄壇簿也鴛湖桃溪相望盈盈可任結

候孔融之

許君信

南鴻入北雲不問足下溫寒惟問太夫人持杖擊仙節力健勝韓家母年陳嫂胡姬烏雲髻為寧馨兒搔亂年足下咏桂枝小山乎時弟病手提筆如梓語難多及

寄馬用昭

王百穀

別足下無何署中笋根盡成美箭耶嗟足下甚并及此君函中何不一報平安也

東王父母

王 焯

問衙齋園蔬肥且綠否井邊三柳可藏鴉否
馬骨高否人吏得無太瘦否雖然不如是
不為以顯清白吏

▲ 旅

與曹孟德

誓性偷生自竄荆蠻懸心北風欲行廉由漂泊風波
絕粒茹草欲歸死關庭而荆州水陸無津益州復有
峻防仰企先靈何由假翼

與從兄

陸景

仰承發止已次新林三湘真區九疑形勝加以夏石
奇雲秋江迥月睽離方遠川塗脩曠綠字可得白雲
終間心傷淚灑投筆無次

与刘孝綽

簡文帝

推旄西邁載離寒暑晚河未落桂棹先志夕鳥歸林
孤帆未息佇聞還驛以慰相思

答唐書記

文文山

花朝浸^後六日奉重闈沂灘而上禊前一日抵空同郡
事稍簡俯仰半赫皆商憲賜也江湖寥落鴻影參差
安得素心人相些數晨夕每誦此詩寢不成寐

寄陳時應

林世吉

冰雪載塗朔風凜冽蕭蕭孤旅逼歲逕征每對野老

梅花聽寒空過雁驚魂增涕明朝又履端矣想亭臺
叢廢杯傳柘葉陶然笑語亦全及遊子否

寄段幻然

張維禎

一入范陽白草無顏黃比垢面鈴閣虛無人誰可與
語古太守有鈴閣

与王兵備

王維楨

頃奉光儀甚憫夙昔願客心爭路蓬踪易轉秦中懷
快快何使若蕭公之命獲行甚謹會天新雨路傷流
潦瀾瀾如行鏡中晚暮月出浮雲薄之事人相呼或

巖不及於淖既官卒持篝燈至車人轉踏於淖者再
乃知糝糊者涌涌利往而涸微玲瓏或不免一跌之
虞也病淹逆旅勒附謝私

寄友

黃履康

九日抵章貢涼颼蕭颯旅况瑟瑟毛骨欲痛望故山
白雲起輒淚潏潏不能收故人登高揮朱萸亦恨少
一人半萬里相思空寄杜若

秋庭旅榻簾者陽闔鄰笛寒砧樞愜人耳
江空未落歇然故園神爽俱飛恨不生翰

子桐詩



